

docdrive 文川网  
入驻商家  
在文川网搜索古籍书城 获取历史电子书

中國方志叢書·華北地方·第三一九號

據

清·乾隆二十七年王崇禮原修  
民國補抄本

影印

陝西 省

# 延長縣志

成文出版社有限公司印行



中華民國五十九年 月壹一版

# 延長縣志

全一冊

發行人：**黃 成 助**

台北郵政信箱二二六〇五號  
出版者：**成文出版社有限公司**

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：**東南印製廠有限公司**  
和平西路二段70巷83弄29號

內政部登記證內版台業字第一一四七號

# 自敘

余蒙讀時取識案頭志書字祖樂菴先生笑曰十年看未晚也  
驚問此何書又笑曰吾邑事且備從何說起因記之嗣攻帖括  
不復論乾隆十一年郡伯呂新安修府志余分邑稿月餘就索  
外屬草創觀之參酌刪訂間有中者戊寅春宰茲土詢邑事無  
對掌故木拱馬足山頭一步一採入奚囊且滿行據所纂之歲  
兩歎舉羸未便又時攝他邑事齟齬不果辛巳秋病幾革復甦  
欣慚甚謂若果不祿虛我囊中物也洎冬抖擻日以三時理官冗  
餘就纂訂稿片數易始脫廢楮盈篋自嘲謄錄一手僊矣明年  
春招梓閩夏成帙計卷得六萬四千餘言因思志以傳真文過

docsriver 文川网  
入驻商家 古籍书城

在文川网搜索古籍书城 获取更多电子书

則綺質勝則俚不綺不俚庶幾得體此豈風塵荒硯所能整暇  
抉擇以成一邑良簡篇哉惟然而前乎此者甘任闕如余又闕  
如後此者甘任將何底也賞謂迂儒不作巧談便是迂儒可敬  
處淺人不作深語便是淺人可愛處不受不敬或致見憐不受  
人愛必遂見笑誰愛誰敬誰憐誰笑均此案頭一志招之要之  
邑事且備不虛我蒙時識字是為敏

乾隆貳拾柒年歲次壬午仲夏下浣之吉楚南王崇禮纂

延長縣志

纂修姓氏

纂修

延長縣

知

縣

王崇禮

湖南安化人  
辛酉舉人

參訂

原任延長縣儒學訓導今陞知縣藍衣經

城固人  
拔貢

康

生

王崇易

湖南安化人

採訪

清澗縣增

廣

生

員

王

綬

拔貢生候選教諭

宋明鏡

恭順里人

歲貢生候選訓導

常主鼎 高青里人

歲貢生候選訓導

樊章甫 蘇子里人

恩貢生候選教諭

李大蒂 忠義里人

歲貢生候選訓導

蘇乃儒 安平里人

歲貢生候選訓導

馮石金 人和里人

廩生

鄭恕 高青里人

廩生

馮再唐 恭順里人

廩生

蘭清 辛興里人

廩生

張翀斗 恭順里人

廩生

嚴文彬 廣安里人

生 生 生 生 生 生 生 生 監 監

員 員 員 員 員 員 員 員 生 生

劉天朝	李天渥	李樹本	砂礮	高任	呂符	程起彬	鄭達	馮周世	衛藩績
人和里人	高青里人	永和里人	蘇子里人	辛興里人	李城里人	李城里人	廣安里人	忠義里人	恭順里人



正字

生

員朱黃甲 高青里人

生

員鄭沂 高青里人

生

員鄭桂 高青里人

生

員鄭維謙 廣安里人

謄錄

童

生王鑄 高青里人

童

生王尚忠 高青里人

童

生鄭陳式 高青里人

凡例

志祖班氏分卷別目增刪隨宜茲仿照大綱酌繫群目詳畧未必無偏要以就地論地就時紀時不致依傍前人語涉膚廓

一分十卷卷分六十二目勢難該括間有附於目下或卷尾者亦緣事之輕重為正附非故參差失體也此外或虞遺漏待將來同志者補之一邑歷無志本明季李明經養仲始著邑事畧康熙間前令孫芳延樊明經鍾秀纂稿未就雍正間邑郭生境阜稍有增訂然體式未備紀載亦淆今所纂輯資藍本者十之二三出已臆者十之七八卷尾間載諸公評語者不沒前勞也

一紀事貴詳措詞宜簡如方輿秩祀官師諸卷類與別邑同不必

衍贅至建置賦役食貨風等篇均應縷敘每苦舊卷無稽徒勞  
幻想故於正文下分行註之其人藝文採擇尤慎雖不敢遺亦  
何肯濫

一省志郡志基於縣稿間有徵稿時率筆開呈照載者如邑八景  
諸名今改正之惟求徵實破疑故非故立與

一卷中有沿襲舊文者如星野學校兵制封建之類雖細擇抄謄  
其字義數目不無譌錯餘則再三斟酌脫稿文氣率有不調而  
擗捨鉅釘之弊可免

一各目末卷小論非敢憑臆恣筆有益今損直敘難詳而補書  
於後者如戶役雜課等篇是也有前因今革正卷從畧而傍註

原委者如地糧兵制驛遞站支等篇是也其間誰裕國誰便民誰  
弊誰利誰暫誰久狂言聖擇亦冀稍有裨益

一志中各圖除野度數揣測不無附會餘間諦視形勢繪寫肖真  
閱者不必步覽卧遊而通邑規模瞭然在目

一田賦一志應照全書錄刊然舊額新款頗屬繁多且解支增減  
間有不符故止約畧提綱將地丁沿革實數照登與近辦奏銷務  
無差參疑者仍闕

一歷代官師無從採備止金元至今挨次登敘名宦數人外間有立  
傳者仍輿論也輿論必有試直道而行於舊傳著績外不敢妄加一字  
其餘豈盡應湮沒亦附之無可如何

一名官人物原入通志郡志者固不敢遺其新增鄉賢忠烈儒  
行節孝等類率准蓋棺論定之義餘則行孚公論俱當留俟將  
來若績隱逸仙釋方技等名事無實據多行刪削

一藝文必有闕典故與國民生者方為錄刊其餘老生常談寧  
削無濫間有節取不過為景物配色閱者諒之

一採訪枝讐諸人自應列名志首每見郡邑志所開姓字盈牘累  
篇浮而少實茲惟就原議各里任事者登之餘不濫廁一人以示  
迂直

一此志未聘主稿凡創論修飾率執掌人行坐時擅主之隨稿  
隨刊不出數月難免躁率惟冀繼此者加以潤色庶可垂之永久

延長縣志

目錄

方輿志卷之一

星野

建邑

疆域

山川

古蹟

八景

氣候

災祥

建置志卷之二

城池

公署

學校

倉儲

兵制

鐸驛站

鎮堡

關梁

坊表

水利

新增

戶役志卷之三

地糧

戶口

里甲

鹽課

雜課

站支

解款

食貨志卷之四

物產 版食 器用 宮室

風俗志卷之五

歲節 男女 生計 葬祭 宴會 沿習

秩祀志卷之六

壇廟 寺觀 陵墓

官師志卷之七

封建 職官 名宦 循吏

選舉志卷之八

進士 舉人 忠烈一下是卷九的 孝義 儒行 宦績 烈女 流寓

人物志卷之九

藝文志卷之十

貢生

封蔭

職監

掾吏

正其卷以的

鄉賢

條議

誥文

示諭

記

序

引

詩





docsriver 文川网  
入驻商家 古籍书城

在文川网搜索古籍书城 获取更多电子书

延長縣志

知邑事王崇禮纂

方輿志第一 星野 建邑 疆域 山川 古跡 八景 氣候 災祥

周禮一書首稱辨方正位而後設官分職以為極一邑雖小列板圖方位未定將星垣何應此史遷作記所以不天文而後宣夜保章之論也省郡有全圖劃為縣界陰陽原隰自成結構其中流峙點綴有可表見者率皆不虛若寒暑災祥偏勝時有要一就地紀地不為搆摭塗飾以致誕妄貽譏或猶不背古職方氏之遺意志方輿

星野

班固志秦地於天宮東井與鬼之分野其界自弘農故關以西  
京北扶風馮翊北地上郡安定天水隴西南有武郡西有金城  
武威酒泉燉煌皆屬焉自井十度至柳三度三度為秦首屬秦  
分 秦筭月令章句鶉首起井十度

星經虛宿秦二星在周星東南天市垣秦一星在周巴蜀之間  
晉書天文志自東井十度至柳八度為鶉首於辰在未為秦之  
分野又云斗一至四為魁一主秦石氏云北斗七星一主秦二  
主楚三主梁四主吳五主燕六主趙七主齊

又五車者五帝車舍也西北太星日天庫主秦  
唐書地理志云關內道古雍域漢三輔北地上郡及弘農隴西

五原西河雲中之境京北華同鳳翊邠隴廊坊丹延綏宥為鶉首  
分

明史井鬼在未自井九度至柳三度為鶉首屬秦分雍州今陝  
西永興鳳翊隴邠丹同華耀坊延廊興元及西夏之西偏秦鳳  
之西北皆秦分也

按各書載秦分野星度微異然其區分影測俱屬全秦延郡  
於秦圖僅十四府之一耳其於鬼井柳之屬已不過毫忽分渺  
而難以度數定也又何論乎一邑哉惟就古書所載並存備考  
不敢憑臆定牙鑿云

建邑 沿革

延長在唐虞三代屬雍州春秋時為白狄地後改為白翟戰國屬秦秦以今郡為郡隸之西漢置高奴白翟為縣隸上郡東漢更名失考西晉併入金明郡晉室東遷沒入符秦為羌地姚秦又滅符秦為氐地赫連又沒姚秦為夏地介石城因城二縣之間後魏破統萬改郡為敷城置廣安縣隸之西魏改設文安郡以廣安析置義鄉二縣屬焉隋大業初避煬帝諱更名延安縣又省義鄉入之隸延安郡唐武德二年以延安縣置北連鄉州併置義鄉齊明二縣以屬之貞觀二年州廢省入省義鄉齊明二縣廣德元年始改為延長縣隸延安郡後又改郡為延州隸之唐末為節度使拓拔思功所踞五代梁隸忠義軍後唐隸彰武軍晉漢周仍之宋初改隸鄜延路元

祐中改隸延安府金皇統二年又改隸彰武軍元屬延安路明洪武二年復改路為府隸之今仍其名


按延長介延州東偏翟流中注雖近宜川之雲岩曾分為縣而宜雲隸丹未嘗割延長地也歷代分合更名錯雜郡志所載簡畧不全今旁採古書相度形勢因沿革而損益之與鄰治之膚施甘泉宜川延川各區疆土脈絡劃然然後知晉世曾陷於羗氏宋氏未沒於西夏邑之大綱舉矣

### 疆域

延長東至老虎溝宜川縣界八十里 南至南掌甘泉縣界六十里  
西至烏陽川膚施縣界九十里 北至嶺頭村延川縣界五十里

東南至護寺灣宜川甘泉兩縣界五十五里 西南至靈坵裏膚施  
 縣界七十里 東北至交口鎮延川縣界七十里 西北至風伯神安  
 定膚施兩縣界一百七十里 延長東南至宜川縣城一百七十里  
 西南至甘泉縣城一百八十里 西至膚施縣城一百五十里 北至  
 延川縣城一百三十里 延長距府計程一百五十里 距省由府  
 為西南路計程八百七十里 里由宜川韓城為東南路計程八百八  
 十里 距京由韓城二千四百里 由綏德二千二百里 面積  
 一萬五千方里

按封圻遼徧道里遠近似與大體無闕然一邑之方亦判風  
 氣近於某則薰染手某故鄰封抵距不僅以疆城觀也其間





險夷利鈍疏密布羅可以溯古人區劃深心官斯土者按圖勿同  
於索驥可耳

### 山川

翠屏山在縣城南屹峙陡削當年花木蒼翠望之如屏故名土人  
象其形其形為卧牛屬八景之一

高奴山在縣署西北倚築城磔與翠屏對峙上有土城  
民築以避兵土人象為新月

九連山在縣城西十五里九峰排空如連珠列入八景

獨戰山在縣東北四十里峯勢如削上平廠可避兵因徑道甚仄  
一人守之萬夫莫當故名



盤龍山在縣西五十里平青鋪洪崖突起延水環流相傳舊縣建  
此後移之上建盤龍寺下有石坊題雲達二字今屬衛地又東  
鄉亦有盤龍山距縣五十里上有祖師廟每逢上巳及四月初八  
里人多進香

皇姑塬距縣二十里

柏子山在縣東南六十里山勢高聳古柏掩映上有無量廟莊嚴  
可觀

石拔山在縣南五十里上建護國寺

姑姑山在縣東南六十里山勢延袤少村落昔年行客戒備設  
兵防之

土地廟在縣西北一百四十里懸岩高聳古柏蒼翠望之如青牛橫  
立太皇山即青雲山在縣西南四十里山形圖渾週植柏樹禁止  
樵採蔚然可觀青霧山與青對俗名黑鼓山距縣西南五十里圓  
秀如鼓滿種樹林共同保護人敢不採

富玉山在縣西北一百里孤聳秀逸羣巒如拱寺內有燈燃之滿院  
明<sup>勝</sup>青龍山在縣西一百里頂建有寺鐘聲遠聞內有牡丹可觀

太和山距縣二十里秀挺異常翟水環曲頂建薩菩各廟多進香  
花兜山距縣九十里芍藥牡丹可觀

發起領縣東北五十里

神頭領縣東北九十里宜川延川界

皇清寺領縣東六十里每逢三六等月土人立會遠近多雲集焉  
嶺頭縣北五十里

鳳凰領縣東三十五里山形如鳳頸延水四遠里稱前鳳領後鷄川  
列八景丰佛巉嶮縣西北一百里與延川縣界山勢險阻居民稀  
少易藏奸

黃河距縣東四十里

延水源出靖邊逕保安入各小水匯安塞膚施各川水過府城  
東流至干谷驛轉東南流至縣多盤曲至老虎溝與宜川水合  
流入黃河一名翟水即濯筋河也

朝陽水即翟水中流橫石折衝西門昔人鑿石為六眼建永逸橋

惠民泉出學宮後味甘美官民均汲用名官井

漱玉泉縣東門外三百步有巖軒豁可容數十人泉出如練味頗甘因名漱玉流入鴛鴦渚八景之一

井溝水出城北山麓鑿崖為井供縣汲取餘波穿城流出水門入延水西河水縣西門外昔曾壅汲澆灌田園今開渠仍舊澆灌

關子口川源出甘泉界縣南五十里入延水昔曾壅堤溉田今存遺址

交口川在縣東北七十里流入黃河

安溝河在縣南三十里源出岔口經安溝入延水

金沙灘水源出膚施縣界縣西南三十里入延水

煙霧溝源出孫家塌縣北五十里入延水

烏陽川源出鐵劉渠縣西九十里入延水

土地廟河源出沙家南溝縣西北一百六十里出延川永平鎮

西河溝干谷驛西門外供汲取

按川流山峙地道之動靜分焉變化出焉獨我延山以石載土延水穿石成洪欲擷秀挹清不可得幾疑造物失靈矣然撮土一勺尚能生物况邑之廣褒數百里耶茲就其可採覽者於郡志所載列為增入其餘東北諸領小似撫撫周原西南各山間見昫昫原隰泉源山麓流或不長地界天溝盈乃易涸官斯土者其何以經畫轉移俾地無遺利人餘力能勿愧勵歟

docsriver 文川网  
入驻商家 古籍书城

在文川网搜索古籍书城 获取更多电子书

古蹟

鰲頭在學宮後山脈落處石登昂起如鰲頭縣人以其石潤澤占  
科目

琵琶門在城內太平寺門右地下鼓之有聲如琵琶然康熙季年  
掘修牆壁無復嚮應矣

闕鷄臺右縣西四十里平川起阜如金印廣袤百步延水經其下  
世傳唐時公子分封遊宴之所又云有仙客曾闕鷄於此今建  
建廣巖寺於上係八景之一

石蠟燭在城西四十里黑家鋪溝路旁懸岩開窟中有石柱  
如燭併台形今漸剝落不敢甚肖



聖燈溝距縣五十里山辟少村落昔有牧童在此聞聲擊石忽石  
中有人問曰開也麼童應曰開山崖崩露石像此夜旁村俱入夢  
人借牛洎曉牛俱失領覓見羣牛卧地汗淋漓而石像寺立疑為象  
牛所曳也因立玉皇廟又傳其石夜吐光如燈故燈卷至今不復見  
驛城隍廟先為土地祠唐太宗過此有軍繫馬神頸頸斷狂風四  
暗王驚封為城隍另開土地石像今存

翡翠樓在縣東六十里石臺高百丈周數里今址猶存

花石硤縣西千谷驛西二里官道旁巖懸百尺花蕊玲瓏足供賞玩  
脫靴堆縣南二十里三岔溝中突起圓凸舊傳神人脫靴於此故名

八景